

Masinahamatowin kicih Kanata Okimawin:

Niyanan kanetianak, Québécois mena Nehiyawi osihcikewak. Piko kekway nihosihtanān: omasinahikewak, nikamona ka osihtayahk, ometawewak, cikāstihpayihcikansa ka osihtāyahk, onikamowak, osihcikitsahiwewak, opakwanawihitamwak, metawewina ka masinahamihk, tapasinahikewak, kitocikewak, masinahikana ka osihtayahk....

Eyawis niyanān nih wihtenan nihtihtāwināna mena nitsihtawināna ka osihcikiwahk. Nih pihtakosiwināna pihtakanwa misiweta ihtāwinihk. Kespın eka ka mamtonihtamihk, ka isi koskoyihtamihk ayamiwin nihtsihcikewinahk, oma pahkan petos ka isiyahk kitsihcikewinanwa moya ka ihtakwanwa. Osihcikewak oki kwayask āpatsiwak ihtāwinihk.

Nihtepwatananak oki Kihci Okimawin ka kispihwatahkik isihcikewina anita North American Free Trade Agreement (NAFTA) kihtamihk ekwa ka sihtoskahkik maka eka ka wa wecihiwecik anihi pikwesi ka atawahkihk. Nihtihtawinahk oma e-makohtayahk ka wecayamahyahkik oki ka sohkipawicik Hollywood ka mamahtawi isihcikecik mistahi mena kotakak mistikimawak Kihci Mohkomanahk.

Mistahi kekwāy ohci ka kih mamihcsiyahk. Mistahi om aka itapeyahk misiweskamik, kitocikewinihk masinahikewinihk, kih ispayiw māka ewako ohci Canadian ka itasiwihk ekosi maka nih onikamowak e-pihtakik it aka pihtakosihk, ekwa men aka miyihcik oki nih masinahikeminanahk kosihtacik masinahikana. Kespın eka ewako ka nekan itapiyahk, moya maka nih ka paskiyakanan ka kispihwatamihk om aka pa petos isihcikeyahk ota kihciwak mena misiweskamik.

Wihcasin e nawasonikeyahk: kapih ka kih kitapiyahk ka kitiyihamihk ka isi iseyinewiyak, āhpo kā pakiteyimoyahk keyām oki ohci mistikimāwak ka nohte pekonāhkik oma pa piskicisiwin ekosi nawac ka soniyāhkik. Oma mamāwawapacidikan keyipa ewako piko ka waskawinamihk osihcikewina, ekwa oki kompanewak tāpiskoc Google, Facebook mena Netflix kesiyihkāteki kihci ewakonik osihcikewak. Semāk piko ka naskomohk ohi ka kipiskākeki ekosi māka ka osihcikiyahk, ka kispewātamihk ekwa ka sihtoskamihk oma osihcikewin osihcikewak ka isi nistawinamik oma e-isi micitlik kekwāy misiweskamik ka atawākihk.

Kayate ka kih pekwātohk atāwewin ohci, Kānata kih nakewak ka kakwe kīkastāniwiki anihi isihtāwina tāpiskoc osihcikewin, eko māka kih ke kispewātenanaw keyānaw oyasowewina ka nitawihyihamihk. Māka anohc, oki ocikastepayihcikewak Motion Picture Association of America ka itahmihk ekwa kotakak ekwatowihkānak sihkitsawewak Kihci Mokomāna kihci okimawa ka nakāskamiyit oma tipeyimisowin ekwa ka pāskastawit ohi kiht sihcikewinānwa opime ka kih ohci tipeyihakwahki. Kahkeyaw Okimāwina Askīya misiweskamik ka nistotamwak oma kā kispewācīkāteki isihcikewina. Ka notinikestamahk piko kitsihcikwinawa tāpiskoc Kihci Mohkomakak westawāw.

Atāwewin ka pekiskwacikātek moya katac ka ascikāniwik oma isihcikewin ka piskihtakihk. Okimāwina maka piko ka sohkihkāpawicik ka kihcināhocik misiweskamik ka asotamātonāniwik ekā ka piskiyihamihk ohi isihcikewina.

Ewako ohi NAFTA pekwātowina niyanān,ka masinahosowak, nih tepwātānān Kānata Okimāwın:

- Ka kicināhohik oma NAFTA isihcikewina ka piskihtaseki ka miciminikātek, ekwa kihtwām ka miskotamihk kicināc oki anohc otacimowak isihcikewina ka totahkik ka kikasinhocik.

- Ka ekatenamihk oma oyasowewin ita kā itastek NAFTA ka meyikot awa Kihci Mohkoman Kihci Okimaw ka kih nakāskahk Canadian isihcikewina oyasowewina oma ekā ka nahiskācocik anima piko piskihc ka itastek. Ekosi om aka nakaskakaweyahk nih wanahikonān ka osihtahk oyasowewina isihtwāwin ohci.
- Ka kihcinahohk Kānata oyasowewina ka kitahamāhkihk opime ka ohci tipeyhtakwahki isihcikewina ka miciminikātek ewako oyasowewin.

Kānata isihtwāwina, pā petos isayamiwina, pā petos itaskanesiwina, pā petos askihkāna, piko ka nistawinamihk ekwa ka kispihwatamihk ekota ohci osihcikewin atoskewinihk wihtamomakan eyikohk pa petos e-iseyinihkeyahk ihtawina nitsihtwawinana Kanetianak, Québécoisak ekwa Nehiyawak. Nih tepwatanan Kanata Kihci Okimaw ka kispewatikowahk mena anih oyasowewina ka wechikocik osihcikewak ka wihtāhkik tānsi oma otihtawinihwahk ekwa otsihtwāwinihwahk. Nitsihtwawināna ka sihtoskikāteki, moya ka mekināniwiki.

Niyanān oma,